

Mwh lij iq, de dwg boux lwgnyez manzgaengq ndeu, bin faex mbon gyaegroeg, roengz dah gaeb nyauh, mbouj dwg diuz vaq sik bae vengq ndeu, couhdwg geu buh byoengq aen congh hung he, boh de yawjraen le cix mbouj dub de gvaq. Lij riuhaha dwk ndij meh de gangj: “Lwgnyez ha, cungj yienghneix, gou mwh lij iq hix dwg yienghneix.”

Hoeng, miz baez ndeu, de caeg ranznden 5 maenz ngaenz. 5 maenz ngaenz youq dangseiz gaenq mbouj dwg noix lo. Boh de rox le, couh aeu sainaeng cug de hwnj gwnz faex bae, haenqhaenq dwk fad de geij bien. Doq fad doq ndaq: “Lij iq caeg cim, hung le caeg gim, baezlaeng caiq caeg, gou couh daet fwngz mwngz bae.” Baezde, de deng boh de fad dwk daengxndang noh sik naeng lai, meh de yawjraen le gig siengsim, naeuz boh de fad haenq lai, ndij boh de doxceng le couh daiq de dauqbae ranzdaiq lo. Baezde, boh de mbouj lumj baezgonq bae ranzdaiq cieq de caeuq meh de dauq ranz, seizde de cij rox, guhcaeg boh de cei haemz lo. Daengzlaeng de caiq hix mbouj gamj bae caeg lo! De lau boh de gangj daengz couh guh daengz, caen daet fwngz de bae dahraix.

sanjvwnz

Boh Wnggai Dub Naeuz Mbouj Dub

父亲的打与不打

□ Cinz Hau

Daengz de ndaej 9 bi mwhde, de daiq daegnuengx 6 bi bae ranzdaiq, ngoenzde ndaw mbanj yahdaiq cingq-ngamj cuengq denyngi, de caemh daiq daegnuengx de bae yawj, yawj daengz byongh, de ra dieg bae ok nyoh, doeklaeng dauqma ranz mbouj raen daegnuengx dauqma. De naemj, daegnuengx gojnwngz caeuq vunzsug caemhdoi baema ranz lo, couh mbouj cuengq haeuj sim. Cigdaengz ngoenz daihngaih de dauqma ranz, mbouj raen daegnuengx de, de simsaenz lo, daengx ranz vunz okbae ra daeg-

nuengx, hix ra mbouj raen. Nyex ok huxhung lo, boh de itdingh yaek dub de can ndeu haenqhaenq bae, hoeng, boh de mbouj gangj saek coenz vah.

Daegnuengx couh lumj diuzcenx nei, saek youq ndaw hoz de, de mbouj dwen, bohme de hix mbouj dwen. Hoeng, de rox, bohme de cungj siengjniemh daegnuengx, daegbied dwg gyoengqde yied daeuj yied geq lo, siengjniemh daegnuengx ngoenz beij ngoenz haenq. Hoeng, bohme soqlaiz cungj mbouj gvaiq de gvaq. Gizsaed, de muengh boh de dub de can ndeu,

couhcinj dub daengz ndok raek, de hix mbouj ienqhoij.

Ra daegnuengx mbouj raen daih 26 bi, de yawj Cunghyangh Densidaiz aen cezmuz ra vunzcaen ndeu, cij youh miz di maqmuengh he. Doeng-gvaq cezmuzcuj lai giz bae ra, doeklaeng ra ndaej raen daegnuengx saetsanq 26 bi de dahraix. Seizde, ndaek rin daenz youq ndaw sim de dauqdae doek roengzdaeuj lo! Youq cezmuz yienhciegz, boh de itcig raemxda rihsoegsoeg. Bouxcujeiz cam boh de: “Daegnuengx mbouj raen lo, mwngz dub daegbeix de lwi?” Boh de giendingh dwk naeuz: “Mbouj dub gvaq.” Bouxcujeiz cam vihmaz mbouj dub. Boh de han naeuz: “Daegnuengx mbouj raen le, de ndawsim gig nanzgvaq. Dou gaenq mbouj raen boux lwgnyez ndeu lo, dou wnggai gyaboix dwk gyaenz daegbeix de.”

Seizde, de raemxda doek rim naj caez. Daxboh dub de, dwg aenvih gyaenz de, lau de guh yak hengz vaih, byaij hwnj diuzroen vaih bae; hoeng, boh mbouj dub, hix dwg aenvih gyaenz de, dub naeuz mbouj dub, dauhleix doxdoengz.

Boh de dub naeuz mbouj dub, cungj dwg ciengxlwenx gyaenz de.

sei sanjvwnz

Seizhah

夏天

□ Vangz Cinghdungh

Aendaemz lajmbanj
Yo miz goekgaen caeuq sengmaj diuz-mingh
Mboujlwnh aenmbwn baenzlawz ndat
Gizde cungj dwg liengzsausau

Miuz haeuxyangz nyaenz ndaej hozhawq
Did ok gij mbaw heuyauyau
De dwg gij maqmuengh seizcou
Engq dwg gij saek gyaen seizhah

Diuzgai ndawsingz
Laj go'gyaeuq riuzdoengh miz gingj-saek ndei
Couhcinj dwg haeujhaemh doekfwn

Raemxfwn caemh deng nyumx hwnj
saek ndongqlik

Aen gvangjangz dep bangx huzraemx
Miz vunz yietliengz miz vunz diuqfoux
Bouxlaux naengh gwnz daengqrin
Ndaw da gyoengqde cungmuenx gij gyaenz

Seizhah lumj fukdoz ndawnyez dajveh
Gofaex benqfwj raqfwn
Boux rox cix maez youq baihdaw
Boux mbouj rox cix gag vaiqviet ndotdeuz



Mbanjcizsingh Vujmingz Cwngzsiengh gyaetugetget.

20 aen fai hung caeuq 12 aen fai rauh nem mbanj gihden baizgvancan Guengjsae seizneix miz haenx, dingz-lai cungj dwg Veiz Gozcingh hwnj-nyaemh cawjguenj Guengjsae seiz guh baenz. Daengz bi 1975, gizdieg rwed raemx Guengjsae miz baenz 2193 fanh moux, ciuq vunz nungzyez seizde daeuj suenq, vunz bingzyaenz yaek miz 0.8 moux. Gijneix doiq haeuxgwn Guengjsae onjdingh demcanj caeuq ndaem ndei gooi daengj doenghgo dajgai gig miz cozyung youqgaenj.

Veiz Gozcingh gig yawjnaek henhoh nazreih. De ciengzseiz naeuz: “Gij nazreih raeuz seizneix cungj dwg cojcoeng dwgrengz guhhong haujlai ciuh cij louz roengzdaeuj hawj raeuz, de dwg gij goekgaen nungzyez Guengjsae raeuz, itdingh aeu henhoh ndei.” De raen mbanj yienh seiz-bienh ciemqyungh nazreih daeuj guh

ranz, guh ciengzdwkgiuz le, gig hoz-gaek, haenqhaenq dwk bihbingz le gij yienh luenh guh neix. Ciuq de genyi, swcigih guh ok gietdingh: Ciemqyungh nazreih, itdingh aeu yiemzleih gamh-anh; danghnaeuz itdingh aeu ciemqyungh, couh aeu ciemq moux cauh moux. Gunghginh moux bu youq moux yienh cauh aen ciengzfeihgih, nyuenz dajsuenq yaek ciemqyungh 5 moux naz. Youq ngeixyaeng fangh'an hwnj-guh seiz, Veiz Gozcingh naeuz,

Guengjsae nazreih noix, gaej ciemqyungh 5 moux naz de lo, gij roenbuet ndaej hamj 5 doh coh baihdoung aenndoi bae vat, aeu lai yungh 30 fanh maenz ngaenz, youz swcigih ok ngaenz.

Veiz Gozcingh mboujdanh son-gyauq ganbu aeu insik gij nazreih cojcoeng cauh roengzdaeuj haenx, lij daezok dawz cauh naz cauh reih lied haeuj ndaw giva nungzdenz gihbwnj gensez bae. De naeuz: “Daih vunz raeuz gaej baengh cojcoeng gwn haeux

ndwi, lij aeu giz diegfww hai baenz naz baenz reih bae, mbehung menciz nazreih, cauhfuk hawj ciuhlwg ciuhlan.” Daj bi 1969 daengz bi 1975, daengx aen swcigih binaengz cauh naz cauh reih cungj ndaej bak fanh moux doxhwnj. Ndigah, caenhguenj mwhde gunghyez, gyaudoeng, hwnj ranzyouq yungh dieg mboujduenh demlai, hoeng bi 1975 gij menciz nazreih lij lai gvaq 1968 nienz 270 fanh moux.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz